



Inatsisartuni ilaasortaq
Emanuel Nûko, Naleraq

ESANI A/S pillugu § 37 naapertorlugu apeqqummut nr. 023-2022-imut akissut

Asasara Emanuel Nûko

Inatsisartut suleriaasianni § 37 naapertorlugu ESANI A/S pillugu apeqquteqaateqarputit. Apeqqutitit uannit akisassanngorlugit innersuunneqarput.

Akissuteqarnissamut atugassatut ESANI A/S ilassuteqarnissaannut attaveqarfigineqarput. ESANI A/S kommunit aktianik piginneqatigiiffigaat, taamaattumillu ESANI A/S pillugu apeqqutit tamanut tunngasut kommunimut imaluunniit ESANI A/S-imut toqqaannartumik saaffiginnissutigineqartarnissaat inassutigineqarpoq.

1. Esani A/S-imut massakkut kommunit qassit ilaasortaappat?

Akissut: ESANI A/S ullumikkut kommuninit sisamaasunit ukunannga pigineqarpoq: Kommune Qeqertalik, Qeqqata Kommunua, Kommuneqarfik Sermersooq aamma Kommune Kujalleq.

2. Kommunit sorliit pineqarpat?

Akissut: Apeqqut 1-imut akissut takuuk.

3. Esani A/S-mi kommunit ilaasortaappata taava qassit ikuallaaviit Esani A/S-p iluani ingerlappat?

Akissut: ESANI A/S ikuallaavinnik pioreersunik ingerlataqanngilaq. ESANI A/S nuna tamakkerlugu ikuallaavinnik, nuna tamakkerlugu eqqakkanik ikuallaasinnaasunik sanasussaavoq. Nuna tamakkerlugu ikuallaaviit Sisimiunut aamma Nuummut inissineqassapput. Naalakkersuisuniit nuna tamakkerlugu ikuallaaviit Avatangiisinut Aningaasaateqarfimmit aningaasaliiffigineqarnissaat taperserineqarpoq.

Allakkap ullua: 24-01-2022
Suliap normua.: 2022 - 1847
Allakkiap ilisamaataa:
19068504

Postboks 1614
3900 Nuuk
Oqar.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

4. Esani A/S qassinik siulersuisunut ilaasorta qarpa?

Akissut: ESANI A/S kommunit aktianik piginneqatigiiffiutigaat, aammalu siulersuisuni ilaasortat sisamaapput, kommunit tamarmik ataatsimik ilaasortaataqarlutik.

5. Siulersuisunut ilaasortat qanoq annertutigisumik aningaasarsiaqarpat?

Akissut: Naalakkersuisoqarfiup ESANI A/S akissuteqartippaa, tassangaanniillu ilisimatitsissutigineqarpoq: *“Siulersuisuni ilaasortanut akissarsiaqartitsisoqanngilaq”*.


6. Ikuallaavinni sulisut Esani A/S-ip ataani sulilersimagunik sulinerminni isumaqatigiissut suna taava massakut ator neqarpat?

a) Isumaqatigiissutit atuutereersut ingerlaannarpat?

b) Atorfeqarnermi atukkat pitsaanerulerpat sulisunut?

Akissut: ESANI A/S ikuallaavinnik pioreersunik ingerlataqanngilaq. Taamaattumik sulisunik ESANI A/S-imut nuutsitsisoqanngilaq.

Inussiarnersumik inuulluaqqusillunga


Kalistat Lund